



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 24 ougùstùs 2022

Desaroyo di preisnan pa konsumidó na Kòrsou pa luna di yüni 2022

Willemstad - For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi ku 1.1 porshento na luna di yüni 2022 kompará ku luna di mei 2022. E sifra di inflashon ta 5.1 porshento.

Desaroyo di preis luna di yüni 2022 kompará ku luna di mei 2022

E sifra índise di preis pa konsumidó (CPI, “Consumer Price Index”) di Kòrsou a subi ku 1.1 porshento na luna di yüni 2022 kompará ku luna di mei 2022, esta di 112.7 na mei 2022 pa 113.9 na yüni 2022.

E kambionan di preis spesífiko ku mas a sobresalí durante luna di yüni 2022 ta; subida di kerosin (5.4%), elektrisidat (5.1%), gasolin (3,0%) en diesel is a bira mas barata; diesel (1,0) en awa (0,5%)

Desaroyo di preis luna di yüni 2022 kompará ku luna di yüni 2021

CPI di yüni 2022 (113.9) ta 7.7 porshento mas haltu ku e CPI di yüni 2021 (105.8). E sifranan aki ta indiká ku e nivel di preis pa konsumidó durante luna di yüni 2022 ta 7.7% mas haltu kompará ku e mes un luna na ana 2021.

E kategorianan ku a kontribuí mas tantu na e subida aki ta rekreashon, kuminda, muebel i aparatonan doméstiko.

Desaroyo di preis riba término largu: inflashon yüni 2022

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku yüni 2022 ku mes periodo un aña anterior, ta resultá ku preisnan na averahe a subi ku 5.1 porshento: e CPI promedio di 12 luna a desaroyá di 104.0 na yüni 2021 pa 109.2 na yüni 2022.

////////////////////////////////////